

Hset Êphêsô....

1.....

.Bàu hmàih ka oh daq

¹ Phaulô ,tiaq manoh Boc Plinh thê , broq mangai tiaq cla da Chuaq Jesus Christ , achih ka mangai hadròeh da Boc Plinh oe ta Êphêsô , ka mangai ma ùh tablòq manoh enh dalam ka Chuaq Jesus Christ . ² Waiq kan tabàih dech xam kan catèm enh Boc Plinh , Baq bèn xam enh Chuaq Jesus Christ jah am ka oh daq.

I bàc xôq ramot am ka mangai khoe jah ràih

³ Manè apôi Boc Plinh ,Baq da Chuaq Jesus Christ bèn , enh dalam ka Christ , haq khoe ùc qnoh rìm xôq ramot yiang enh plinh am ka bèn. ⁴ adroe ka broq plinh cröng taneh , haq khoe ràih bèn enh dalam ka Christ , òeq hu broq bèn wia kan hadròeh pi i qmòe ajang leq hu cwò enh ngèa ka Boc Plinh . ⁵ majah qmang aih kan loq waq haq khoe taqmroq adroe dòq bèn jah wia kon ban da haq enh dalam Chuaq Jesus Christ , tiaq manoh lem cla haq. ⁶ òeq hu manè apôi kan ranhòm da kan tabàih haq khoe am dech ka bèn enh dalam Kon cla haq ma loq waq dèh . ⁷ Enh dalam ka Christ , bèn jah dèch jah rot hlài xi mahim haq , jah caqnaih da bèn yiniq lui, tiaq kan tabàih dech ùh diq ùh dài da Boc Plinh . ⁸ Haq khoe ùc bình bui ka bèn rìm kan rabiaq xam kan qnì loq . ⁹ dòq bèn jah loq kan hlèp ta manoh haq , tiaq manoh cla haq khoe padon deh adroe ta kan loq waq haq . ¹⁰ òeq broq trong haq ma khoe padon deh adroe aih ta jò atiq lùch – tagop diq döng rìm yiniq hlài ta dalam ka Christ , hloe xam yiniq oe ta tröc xam ta taneh . ¹¹ Aih ,enh dalam ka Christ bèn hadai khoe jah ràih òeq wia mangai wiang jah kùng hang , ma khoe palauq qmòe adroe tiaq manoh Boc Plinh aih Mangai broq gèh rìm yiniq tiaq manoh cla enh . ¹² Òeq bèn kô mangai ma adroe döng khoe canòm ka Christ jah calêu manè apôi kan ranhòm da haq . ¹³ Hadai enh dalam ka haq ,oh daq khoe jah tàng trong joq qnàng , aih raq Bàu lem hu dèch oh daq , jò oh daq khoe lùl haq oh daq jah pateo xi Yiang Hadròeh ma khoe tèu am . ¹⁴ Yiang aih broq ka cajak kùng hang da bèn , trùh jò baxon hlài bài mangai haq khoe jah hu manè apôi kan ranhòm haq .

Phaulô waiq khàn ka mangai Êphêsô.....

¹⁵ Taiq qmang aih , jò au khoe tàng manoh lùl da oh daq enh dalam ka Chuaq Jesus Christ xam manoh oh daq loq waq ka mangai da Boc Plinh , ¹⁶ au ùh hêq ka manè apôi oh daq , jò waiq khàn au ràu trùh yôt oh daq . ¹⁷ Au waiq Boc Plinh da Chuaq Jesus Christ bèn aih Baq qngah qngai , am ka oh daq Yiang da kan rabiaq xam kan mahnu ka oh daq òeq pì canau loq ka haq . ¹⁸ Khoe aih sreo qngah mat ta manoh cliac oh daq , òeq hu loq trong bèn ma tangèh canòm aih qmang leq , kan padröng haq am ka bài mangai hadròeh aih dàng leq , ¹⁹ èh loq ka cwiang itai pì cajaq da haq am ka bèn mangai ma lùl aih kàn dàng leq , tiaq cwiang itai aih , ²⁰ Haq khoe paqnoh ta Christ , jò broq ka Christ rih hlài enh mangai cachit rai am haqngui pah qma raðeh oe tanòe Plinh , ²¹ Yeo haqnèq diq döng ka bài cla craq , bài i cwiang , bài padren , bài bùa xam bài i bang i tiang , ùh xài toq ta qnhòng kô , mahaq hloe xam qnhòng atiq hòm . ²² Haq khoe roh rìm yiniq oe diq enh qneq ka jènèh da Christ , rai am ka Christ broq gàu Tagop Hadròeh , ²³ Tagop Hadròeh aih chac da Christ , aih la kan bình halùih da Mangai ma broq bình rìm yiniq oe ta rìm trong .

2.....

Kon mangai canòm ka Christ men jah dèch.....

¹ Adroe nèh oh daq khoe cachit ta yiniq lui xam kan ngang dù da cla ,² aih diq bài yiniq oh daq khoe top dua cröng taneh kô , iu tiaq bùa ma wèq cwiang ta caqnàm plinh , aih raq kiac qnang

tabroq enh dalam manoh bài mangai ma ùh iu .³ Ta aih hadai i bèn , nèh haq rih tiaq dèh trong xech akia ma ònh , cadàu tiaq rìm yiniq xech akia xam manoh cla ma enh , qmang aih hi wia kon da kan mahau qmang ka wì qnoeq .⁴ Mahaq Boc Plinh haq aih padrõng manoh loq waq ,haq khoe yõc deh manoh loq waq kàn ðòeq ha-och ka bèn .⁵ dài haq jò bèn qnang cachit dèh ta yiniq lui , haq broq ka bèn jah rih pajùm ti Christ – aih diq canòm ka kan tabàih dech oh daq ma khoe jah dèch .⁶ Haq broq ka bèn jah rih hlài jah haqngui pajùm ta Plinh enh dalam ka Chuaq Jesus Christ .⁷ Dòq ta bài qnhòng atiq èh ,haq jah paqnoh ðòeq ka wì hnoq kan tabàih dech ùh diq ùh dài da haq ,enh manoh loq waq haq khoe ha-och ka bèn enh dalam ka Chuaq Jesus Christ .⁸ Qmang aih canòm kan tabàih dech , canòm manoh lui oh daq ma khoe jah dèch, yiniq aih ùh xài loh enh oh daq , mahaq loh enh kan am dech da Boc Plinh .⁹ Aih ùh xài loh enh bài yiniq broq cla bèn , ðòeq ùh hiaq i cabô padèch raðeh .¹⁰ majah qmang aih ,bèn kô biac broq loh enh ti haq, khoe jah paqnàng enh dalam Chuaq Jesus Chirst ðòeq broq trong lem Boc Plinh ma khoe palauq adroe dòq bèn hu broq tiaq.

¹¹ Qmang aih , hmàng hlài enh adroe , tiaq xech akia pì oh daq aih mangai diac qnoeq , wì ma kat akia enh ti kông kon mangai creo ðac ka pì la bài mangai ùh kat akia .¹² Jò aih nèh oh daq ùh i ka Christ ,ùh jah pajùm cwiang ti mangai Isorali , ùh pajùm bàu tajao ma khoe chôn timer am ,oe ta crõng taneh kô ùh i kan canòm ,ùh i ka Boc Plinh .¹³ Mahaq enh dalam ka Chuaq Jesus Christ , oh daq aih mangai nèh haq hangai , yàng manòeq kô canòm ka mahim da Christ khoe jah haten .¹⁴ Majah qmang aih , haq raq kan hatroq da bèn , khoe broq ka baiq apah jah wia pajùm mòeq , raliang qnih ðac panàt ma hagan¹⁵ aih la kan tagit ka dabau majah qmang aih , haq khoe yõc deh chac cla hu raliang caðac bài bàu hnài ma khoe achih wia ranenh . Qmang aih jò broq ka wa hatroq ti dabau ,haq enh yõc diq baiq ðòeq broq loh mòeq ngai maneo enh dalam ka haq .¹⁶ hadai taiq long pagat haq khoe bahnhung ðac kan tagit kan ùh hatroq , canòm long pagat aih haq broq ka wa wih wia mòeq chac ðòeq hu hatroq ti Boc Plinh .¹⁷ Haq khoe trùh anoe hnài kan catèm ka pì oh daq aih mangai ma oe ðeh hangai , xam kan catèm ka mangai oe haten .¹⁸ canòm ka haq diq baiq ka bèn jah thia haten ka Baq , hadai pajùm enh dalam mòeq Yiang Hadròeh raq .¹⁹ Qmang aih, oh daq pì oe xài mangai enh gùng hòm , hadai pì xài tamoe ùh canau hòm ,mahaq pajùm mòeq diac ti mangai da Boc Plinh , mangai hnim da Boc Plinh .²⁰ Oh daq khoe jah dèch paqnàng enh qnhèq ka xan hnim aih la bài mangai tiaq cla xam bài pajàu , cla Chuaq Jesus Christ aih raq hmo mùm hnim .²¹ Diq ka hnim jah dèch paqnàng enh qnhèq ka hmo aih , ta carup ka dabau , ðòeq broq loh mòeq toq hnim kùh waiq hadròeh enh dalam ka Christ .²² Qmang aih , hadai canòm ka haq oh daq men jah taqmùt ðeh diq ta hnim aih, ðòeq hu wia hnim da Boc Plinh enh dalam ka Yiang Haròeh .

3

Mangai diac qnoeq jah dèch

¹ Ajang aih raq , au kô Phaulô , taiq oh daq aih mangai diac wì dài au majah ep broq mangai oe tù ka Chuaq Jesus Christ .² Oh daq hia loq Boc Plinh thê au , aih kan tabàih dech haq jao ka au ðòeq anoe ka oh daq .³ aih la kan hlèp khoe jah mahnu am au loq , tiaq ka au khoe achih biaq nà ka pì oh daq .⁴ Ðõc jàiq aih , aih èh , pì men canau au khoe jah loq kan hlèp da Christ .⁵ aih la kan hlèp enh qnhòng nèh qnhòq hmaq am ka cabô loq , yàng manòeq kô jah Yiang Hadròeh khoe paqnoh am ka bài mangai tiaq cla hadròeh xam bòe pajàu da haq .⁶ Kan hlèp aih rameh: Canòm ka Bàu Lem , mangai diac wì hadai wiang jah kùng hang ti mangai Isorali, aih hadai hamenh ta mòeq chac , hanoh wiang jah waq bàu ma khoe tù adroe ti bèn enh dalam ka Chuaq Jesus Christ .⁷ Au khoe wia mangai patih da Bàu Lem kô ,tiaq kan tabàih dech da Boc Plinh , canòm ka ajang biac broq da cwiang itai haq .⁸ Joq ,kan tabàih aih khoe am ka au aih mangai ma

yeo qyoh dõng ðeh ka mangai hadròeh qnoeq , ðòeq au anoe ka mangai diac qnoeq loq kan padrõng raya rayúc da Christ . ⁹ hu sreo am ka rìm ngai jah hnoq kan ðiq jaq hlèp enh qnhòng baxèm calah nèh ma khoe cadoc hlèp enh dalam Boc Plình aih Mangai broq loh rìm yiniq ta plình crõng taneh . ¹⁰ Qmang aih , manòeq kô , kan rabiaq loq rìm trong da Boc Plình ajang Tagop Hadròeh jah paqnoh am bài mangai broq gàu , xam bài wèq cwiàng ta trõc . ¹¹ Tiaq manoh cla haq khoe qnac ðeh enh baxèm nèh, manòeq khoe jah broq gèh enh dalam ka Chuaq Jesus Christ , aih Chuaq da bèn . ¹² enh dalam ka haq, bèn canòm ka manoh lùì trùh haq ðòeq pì hìaq i kan tawac, ðòeq jah kan cajap manoh hu thia haten ka Boc Plình . ¹³ Au hadai cali calo ka oh ðaq apaq hnoq au qnang glàm nanxa ma loh ka cro manoh , xài aih raq kan ranhòm ka oh ðaq .

Kan loq waq da Christ .

¹⁴ Taiq aih iq raq dài au majah hacùn cràng enh ngèa Baq , ¹⁵ canòm ka haq rìm toq hnìm oe ta plình xam ta haqneq ma khoe jah yiniq am. ¹⁶ au waiq khàn mac tiaq kan padrõng ranhòm da haq broq ka oh ðaq jah cwiàng itai enh Yiang Hadròeh ðòeq jah tadèh ta manoh cliac . ¹⁷ Qmang aih Christ jah oe ta manoh oh ðaq ajang manoh lùì . Èh au waiq khàn ðòq oh ðaq jah plòh riah cajap manoh ta kan loq waq , ¹⁸ jah pajùm ti bài mangai hadròeh ðòeq hu loq ka dang gat , dang yòh, dang haqnèq , dang jrùq da kan loq waq aih. ¹⁹ rai jah hnoq kan loq waq da Christ , aih yeo loe ðiq dõng ka kan loq maqnoeq, ðòq oh ðaq jah bình halùih kan ùh ðiq ùh dài da Boc Plình . ²⁰ Manòeq kô , Boc Plình tiaq ðeh cwiàng itai haq , tabroq ta manoh bèn yeo loe ka yiniq bèn ma bòch , ma hèm . ²¹ ðòeq Haq jah kan ranhòm tanòe Tagop Hadròeh , xam enh dalam ka Chuaq Jesus Christ , hloe ta rìm qnhòng , mòeq ðòe , ùh ðiq ùh lùch ! Amen.

4

pajùm mòeq.....

¹ Dài ajang aih , au kô mangai oe tù da Christ , pariaq pì oh ðaq ep rìh acaq qmang leq ðòq haq tajì ka bàu creò pì ma khoe jah . ² Rìh ep ðiq jaq loq hamon raðeh , ðiq jaq laq alàng , loq kềm , yòc kan loq waq ðòeq hu yong dabau , ³ yòc hadrang caxi catèm ðòeq hu àu wèq kan pajùm mòeq da Yiang Hadròeh . ⁴ I mòeq toq chac ,mòeq Yiang Hadròeh raq , qmang ka oh ðaq khoe jah creò trùh mòeq kan tangèh raq . ⁵ i mòeq Chuaq , mòeq manoh lùì raq ,mòeq ramènh baptem . ⁶ Mòeq Boc Plình aih Baq da rìm ngai , haq aih enh qnhèq ðiq dõng rìm ngai , taqne rìm ngai , oe enh dalam rìm ngai . ⁷ Mahaq kan tabàih khoe am ka bèn tiaq maneh da Christ am . ⁸ Aih iq majah i bàu doe :

“ Haq khoe tõi tanòe haqnèq ,
qnung haraya mangai wì ma rùp clèh ,
Haq tabàih am ka mangai da haq ” .

⁹ Manòeq kô “ Haq khoe tõi” bàu aih doe cleq , aih ma ùh xài doe haq hadai khoe loh nòe haqneq ta crõng taneh qmòh? ¹⁰ Haq ma khoe loh aih raq haq ma khoe tõi tanòe ma haqnèq ðiq jaq ta trõc , ðòeq hu broq bình rìm yiniq . ¹¹ Cla Haq aih raq ma khoe am ka mangai kô broq mangai tiaq cla , mangai tau broq pajàu , mangai qnoeq broq mangai anoe Bàu lem , mangai qnoeq hòh broq mangai wèq tagop xam mangai hnài . ¹² ðòeq bài mangai hadròeh jah geo gua ta yiniq abroq patìh , ðòq chac da Christ jah èh rai kàn . ¹³ gòm trùh jò bèn hi jah pajùm mòeq ta manoh lùì xam ta kan canau loq Kon Boc Plình , jah wìa mangai gèh mangai , jah chac hamac geo gua qmang da Christ . ¹⁴ Haq enh ka bèn pì hìaq tiah kon qyoh hòh , caðac wì qnùt raðeh , ðòq wì padô ðac raðeh loh ka tablòq manoh ðòeq caðau tiaq trong ùh troq . ¹⁵ mahaq enh ka bèn yòc manoh loq waq hu anoe qnoh bàu joq qnàng , ðòq yac ka trong leq dua bèn jah yòng kàn tam enh dalam ka Christ aih Mangai ma broq gàu Tagop . ¹⁶ Canòm ka haq aih ðiq dõng ta chac bèn

jah ta carup cajap ti dabau xam bòe atap bòe caxi qngwen , broq ka tang yiniq tiaq deh hra padren jah taqmùt ti dabau hu broq ka chac jah rai èh rai kàn hu ta paqnhrang ta kan loq waq.

Pariaq the wia ka hangai ka dua qmèq ta crõng taneh kô

¹⁷ Kô bàu au doe ,bàu au canòm ka yiniq Chuaq hu anoe ka oh daq ,pì pi dùh rih acaq tiah ka wì enh gùng hòmh , wì haq tiaq trong ùh loh cleq enh manoh cla , ¹⁸ majah qmang aih kan blùng oe enh dalam wì haq , taiq manoh wì gang got dài haq gàu wì majah khoe loh ka clam cluiq , hangai ka kan rih da Boc Plinh . ¹⁹ wì haq khoe pì qnì kan camaih aih qmang leq , cađac rađeh rih ta kan manhài , manoh ònh pi hêq ta kan amùa . ²⁰ Mahaq oh daq hõc ðòeq huloq trùh Christ aih ùh xài qmang aih , ²¹ majah qmang aih oh daq khoe jah tàng Trong da Haq , khoe jah hnài enh dalam ka Haq ,wop qmang ka bàu joq qnàng enh dalam ka Chuaq Jesus Christ aih Chuaq da bèn . ²² aih oh daq ep cađac trong rih acaq enh calah qnèh , cađac kon mangai dùnh aih kon mangai khoe pi wìa taiq manoh cla loq ònh . ²³ ep broq neo hlài ta gàu ngoc cla , ²⁴ caxùnh yõc kon mangai neo , aih raq mangai khoe jah broq dõq hatiah ka Boc Plinh ta kan taq atoq xam kan sròeh da bàu joq qnàng . ²⁵ Qmang aih , rìm ngai oh daq ep cađac kan loq capoch amòng , ep capoch jang ka mangai haten hatia , majah qmang aih bèn kô ðiq hamenh ta mòeq chac raq . ²⁶ Tàng joq oh daq qnang nòeh , aih apaq broq yiniq lui , apaq panòeh trùh mahi clih , ²⁷ apaq am ka Satan jah dahòn . ²⁸ Mangai loq atùng pi dùh atùng hòmh , mahaq ran abroq , yõc ti kõng cla patih trong ma lem , ðòeq i dahwèq hu wiang tabàih am ka mangai pa ,aih ma yeo troq . ²⁹ Apaq i mòeq nà bàu qmèq hloh enh hacùng oh daq , mahaq jò ma troq ka capoch , aih capoch biaoq nà bàu rangot ðòeq hu wiang i lòeq ka mangai tamàng .

³⁰ Oh daq apaq broq mangò ka Yiang Hadròeh da Boc Plinh , majah qmang aih canòm ka haq oh daq men jah panhìn trùh ta hì baxon dèch . ³¹ Ep cađac kan tapagau ,tamahau , kan tanòeh , talech , dahnap hloe xam trong dù ma qnoeq . ³² Acaq oe ti dabau ma laq alàng haq , binh kan loq ha-och , caqnaih yiniq kui ka dabau qmang ka Boc Plinh khoe caqanaih yiniq lui ka oh daq enh dalam ka Christ .

5

Kan loq waq xam kan rabiaq da kon Boc Plinh .

¹ Qmang aih oh daq drah wìa mangai loq top dua Boc Plinh qmang ka kon loq waq da haq . ² drah cadiang lam ta kan loq waq , qmang ka Christ khoe loq waq ka bèn , taiq bèn haq majah chiuq yõc chac rađeh ðòeq hu broq ramènh tadreo i kan xua thùm rahùt dèch ka Boc Plinh .

³ Kan taqnung tango , ùh hadròeh , kan daiq plai , hadai apaq ràu trùh cadèh taqne oh daq, dõq haq jah tajì ka bài mangai hadròeh . ⁴ Apaq capoch brùaq , capoch blùng , capoch blia hrinh hrai , aih ðiq trong ùh troq , mahaq manè apôi Chuaq ma aih yi hnau . ⁵ Majah qmang aih , pì ep loq rameh : Mangai tanung tango , ùh hadròeh , mangai daiq plai , aih raq mangai kùh waiq radua qmù kiac , wì aih ùh i cabô jah waq ðiac da Christ xam da Boc Plinh . ⁶ Apaq ðòeq mangai jiang bàu padô qnùt oh daq , taiq bài yiniq kô raq dài haq kan panòeh da Boc Plinh majah hròq ta nang noe ùh qnì iu . ⁷ Qmang aih , ùh dùh taqmùt dèh ti wì haq yac ka trong leq . ⁸ Nèh haq , oh daq oe raq ta kan clam cluiq , mahaq manòeq kô khoe wìa mangai qngah qngai enh dalam ka Chuaq .

Drah cadiang lam tiah kon da kan qngah . ⁹ majah qmang aih ,pli da kan qngah aih oe ajang noè : broq trong lem , taq atoq xam kan joq qnàng . ¹⁰ Ti boq chaq trong leq ma lem ka manoh Chuaq .

¹¹ Apaq taqmùt dèh yiniq broq ùh loh cleq da kan clam , mahaq xan ma anoe patô qnoh bài yiniq aih ma aih yi lem . ¹² majah qmang aih toq ràu trùh biac wì ma broq ta clam , aih jì khoe camaih pi cajaq . ¹³ Mahaq rìm yiniq khoe jah anoe paqnoh ta qngah , aih ðiq khoe jah wìa kan qngah . ¹⁴ Dài haq majah khoe i bàu achih :

“ Mangai ma qnang kùì , drah riu beq

drah padinh yòng enh taqne bài mangai cachit

aih èh Christ hi sreo qngah ka ih.”

¹⁵ Qmang aih , khòh wèq ma rabiaq haq trong rih acaq da oh daq , apaq broq ðeh tiaq ka mangai blùng , mahaq tiaq qmang mangai rabiaq . ¹⁶ Drah haqnan rim jò ma taqnàih , majah qmang aih bàì hì aih ðiq qmèq . ¹⁷ Qmang aih apaq wia mangai blùng , mahaq ep loq manoh Chuaq ma enh . ¹⁸ Apat bù ka alac , majah qmang aih alac broq ka pi wia rim trong , mahaq ep bình Yiang Hadròeh . ¹⁹ Hatèu ti dabau xi bàu calèu plình , calèu hadròeh , xam bàu calèu enh Yiang Hadròeh , rai ðiq ka manoh hu calèu manè apôi Chuaq . ²⁰ Rim trong ðiq ep canòm ka yiniq Chuaq Jesus Christ aih Chuaq da bèn, ðòeq manè apôi Boc Plình ,aih Baq bèn. ²¹ Drah iu crè ka Christ ðòeq hu ta-iu dabau .

Õng mai rih ti dabau

²² Mangai broq cadri , ep iu tiaq deh õng qmang ka iu Chuaq, ²³ majah qmang aih ,õng aih gàu mai haq , i crài cleq ka Chuaq aih gàu da Tagop Hadròeh , Tagop Haròeh aih chac da haq , èh haq aih Mangai ma ðèch tagop hadòeh . ²⁴ Qmang aih, tagop hadròeh iu enh qneq ka Christ qmang leq , rim trong gucadri hadai ep iu tiaq deh õng qmang aih .

²⁵ Mangai broq õng , drah loq ha-och deh ka cadri ,tiaq ka Christ khoe ha-och ka tagop hadròeh ,cadac qmòe cla raðeh am ka tagop aih . ²⁶ ðòeq broq ka tagop jah hadròeh , jò khoe yòc diac qnheo , haq yòc bàu broq ka tagop jah hliang hreo , ²⁷ ðòeq hu paqnoh kan qngah qngai da tagop hadròeh , ùh i ka xit , ùh i ka habau , ùh i cleq ma hatiaq qmang aih , mahaq hliang hadròeh pi i qmòe nòe hu cwò enh ngèa cla haq . ²⁸ Hanoh qmang aih , õng ep loq waq deh ka mai qmang ka chac cla . Cabô loq waq ðeh ka mai aih budàng loq waq deh ka cla ðiq . ²⁹ Majah qmang aih , ùh lah i cabô git ðeh chac cla , mahaq qmi palàng haq tiaq ka Chirst broq ka tagop hadròeh ðiq . ³⁰ majah qmang aih bèn kô ðiq hamenh oe ta chac haq . ³¹ Taiq ajang aih , gualô majah ep talah deh ka miq baq ðòeq hu hatop deh ti mai , wa baiq ngai loh mòeq xech . (*) . ³² Kan hlèp aih kàn haraya , mahaq aih au anoe trùh Christ xam tagop hadròeh . ³³ Qmang aih rim ngai oh daq ep ha-och ðeh ka mai , mangai broq mai ep loq iu ðeh õng .

6

Mangai kon rih acaq ðeh ti kan cadraq

¹ Mangai broq kon! ep iu tiaq bàu miq baq enh dalam ka Chuaq , aih trong matroq . ² Ep i manoh loq ta-iu tamèt ðeh miq baq (aih ranenh ma adroe , i bàu tèu baha hatiaq ka aih), ³ ðòeq ka ih jah xôq ramot , jah rih halinh ta crõng taneh (*).

⁴ Mangai broq baq ! apaq da khwàiq waq ka kon loh nòeh , mahaq ep yòc kan loq hnài ,loq bàt enh Chuaq ðòeq hu wèq ban wì haq.

Mangai broq hapõng

⁵ Mangai broq hapõng , ep loq crè , ep yòc manoh hnhoj jang ðòeq iu mangai ma broq cla craq raðeh oe ta crõng taneh qmang ka iu tiaq Chuaq ðiq , ⁶ ùh xài iu toq enh ngèa haq , tiaq ka wì chaq toq trong aluàn yòc manoh mangai qnoeq , mahaq ep tiaq ka hapõng da Christ , yòc manoh lem hu broq tiaq manoh Boc Plình enh . ⁷ Yòc deh manoh loq camet ðòeq hu patih ðeh ka wì craq , tiaq ka patih ka Chuaq , ùh xài qmang ka patih ka mangai , ⁸ majah qmang aih yac ka mangai broq hapõng , mangai broq cla craq , mangai jah deh hra enh Chuaq tiaq tang yiniq ðeh ma khoe broq .

⁹ Oh daq ma broq cla craq , pì hadai ep ngan deh hapõng qmang aih ðiq , apaq ti hacam ka wì haq , majah qmang aih loq raðeh kô xam wì haq hanoh pajùm mòeq ngai Cla craq oe ta plình. Haq aih ùh loq waq tang ngai .

Ranac da mangai tiaq Christ

¹⁰ Pulùch aih, oh daq ep broq ka rađeh jah hagau enh dalam ka Chuaq canòm ka padren xam cwìang itai da haq . ¹¹ Drah padon wê bài ranac da Boc Plinh , ðòeq yòng ka cajap hu tablêq ka bài kan kiac . ¹² Majah qmang aih , ùh xài bèn tablêq ka xech akia xam mahim , mahaq tablêq ka bài wèq cwìang , ka bài padren ùh xau hnoq xam cla craq da crǝng taneh clam cluiq kô hloe bài kiac ngang dù ta caqnàm plinh ¹³ Qmang aih , drah yǝc bài ranac da Boc Plinh ðòeq ta hì clam cluiq ,oh daq hlàt tablêq , trùh jò khoe blêq rìm yiniq , oh daq jah yòng cajap . ¹⁴ Drah yòng ma hagau , yǝc Bàu Joq qnàng broq caxi caqnam , caxùnh kan taq atoq broq eo cadàm , ¹⁵ yǝc kan catèm da Bàu lem ma palauq qmòe ðòeq hu broq jai . ¹⁶ ep yǝc tam manoh lùì ðòeq broq khian , ðòeq oh daq jah plah đac bài rang ùnh da kiac dù . ¹⁷ Yǝc kan dèch claih broq cadoh , rai cadop wê chang da Yiang Hadròeh aih bàu Boc Plinh . ¹⁸ Yac ka jò leq dua canòm ka Yiang Hadròeh hu waiq khàn hu creo dang ka rìm trong , rìm yiniq . Yǝc kan ùh tagah lep ðòeq hu hamang trùh trong aih , rai hmàng waiq khàn am ðìq dǝng ka bài mangai hadròeh . ¹⁹ Hadai hmàng trùh au hu waiq khàn ka au ðìq , ðòeq jò au anoe , Chuaq am ka au bàu capoch dǝq au ùh hiaq yùq crè jò au anoe qnoh kan hlèp da Bàu lem . ²⁰ taiq aih raq au ma jah wìa mangai wê bàu taqne caxi datoeq , ðòeq au jah capoch ka hagau hagin h qmang ka au ep capoch .

Bàu hangah pulùch

²¹ Kô aih , enh dǝq ka pì oh daq jah loq manòeq kô au qmang leq ,qnang broq cleq , i Tichico, oh daq ma haten hatia , mangai hapǝng ðìq manoh ka Chuaq , haq aih èh hì taqmon hlài ka pì rìm yiniq. ²² Au khoe thê haq lam, waq ka oh daq loq nhèn manòeq kô qmang leq cadèh ,ðòeq hu alǝng oh daq .

²³ Waiq ka oh daq jah kan catèm , kan loq waq ,jah manoh lùì enh Boc Plinh aih Baq , enh Jesus Christ aih Chuaq bèn . ²⁴ Kan tabàih dech oe ðìq ti oh daq aih bài mangai ma khoe yǝc manoh ùh taclah ðòeq loq waq ka Chuaq Jesus Christ aih Chuaq bèn !